



01,02-50-19

INSURANCE AGENCY OF  
BOSNIA AND HERZEGOVINA

Broj: 02-1-12-174-111 G  
Sarajevo, 30.05.2016. godine

PARLAMENTARNA SKUPŠTINA  
BOSNE I HERCEGOVINE  
TRG BIH BROJ 1  
SARAJEVO

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

03.06.16

PRIMLJENO:		Redni broj	Broj priloga
Organizaciona jedinica	Način prijema		
01,02-50-19-1582/16			

**PREDMET: Godišnji izvještaj, dostavlja se**

Poštovani,

Shodno članu 20. tačka d) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13) (u daljem tekstu: Zakon) dostavljamo Vam godišnji izvještaj Agencije za osiguranje u Bosni i Hercegovini (dalje u tekstu: Agencija) za 2015. godinu.

Prema Zakonu o Agenciji za osiguranje u Bosni i Hercegovini („Službeni glasnik BiH“, br. 12/04) (u daljem tekstu: Zakon), Agencija je samostalna upravna organizacija koja za svoj rad odgovara Vijeću ministara Bosne i Hercegovine. Organ upravljanja Agencijom je Upravni odbor koji broji sedam članova. Vijeće ministara Bosne i Hercegovine imenuje predsjednika Upravnog odbora Agencije i još dva člana, a donosi i odluke o imenovanju po dva člana Upravnog odbora koje predlože entiteti.

Najvažnija funkcija Agencije je njena regulatorna funkcija, odnosno regulacija tržišta osiguranja u BiH, što podrazumijeva ujednačavanje (u propisima, provedbi, struke i prakse) među entitetima i sa *acquis-em* Evropske unije (u daljem tekstu: EU), što ujedno i predstavlja ispunjavanje obaveza preuzetih potpisivanjem Sporazuma o stabilizaciji i pridruživanju s Evropskom unijom i aplikacije za kandidatski status Bosne i Hercegovine (u daljem tekstu: BiH) za članstvo u EU. Značajno je spomenuti da Agencija ima i izvršnu funkciju. Jedna od funkcija Agencije je i međunarodna saradnja, kao i vođenje statističkog servisa u oblasti osiguranja u BiH.

Politika Agencije je usmjerena na aktivnostima koje omogućavaju stvaranje jedinstvenog, kvalitetnijeg, uređenijeg funkcionalnog tržišta osiguranja, jedinstvenih makroekonomskih uslova poslovanja na tržištu osiguranja u BiH, zaštiti trećih lica i osiguravanih, unaprjeđenje, razvoj, stabilnost, pojačana regulacija i jačanje tržišta osiguranja u BiH. Politika Agencije je i nastojanje da se usvoje rješenja koja bi zadovoljila zahtjeve koji su u skladu sa opšteprihvaćenim međunarodnim standardima, što je uslov poboljšanja opšteg stanja i prosperiteta u oblasti osiguranja u BiH i pravne sigurnosti građana. Takođe politika Agencije jeste omogućavanje uslova za slobodni protok roba, usluga i kapitala u vezi sa osiguranjem u BiH, kao i slobodno osnivanje osiguravajućih društava i obavljanja djelatnosti na cijelom prostoru BiH. Osim toga, politika Agencije jeste i jačanje insitucionalnog okvira, kao i veće interaktivno djelovanje svih institucija i subjekata u oblasti osiguranja u BiH.

Poslovi, odnosno nadležnosti Agencije prema Zakonu su:

- jedinstvena primjena zakona o osiguranju između entiteta;
- nesmetana i djelotvorna saradnja između agencija za nadzor osiguranja u Federaciji Bosne i Hercegovine i Republici Srpskoj;

- osiguranje primjene i tumačenja entitetskih zakona na pravičnoj i jedinstvenoj osnovi;
- usaglašenost zakonodavstva u osiguranju koje je na snazi u entitetima u cilju da se osigura jednak i ravnopravan odnos prema svim društvima za osiguranje u oba entiteta i Brčko Distriktu Bosne i Hercegovine (u daljem tekstu: Brčko Distrikt);
- osiguranje jednake pravne zaštite kako za ugovarače osiguranja, tako i za treću stranu - podnosiocce odštetnih zahtjeva na teritoriji BiH;
- osiguranje usaglašenosti zakonodavstva o osiguranju u BiH sa zakonodavstvom Evropske unije;
- koordinirano predstavljanje i zastupanje BiH u organizacijama koje se bave osiguranjem na međunarodnom nivou, kao i kontinuirana saradnja sa istim;
- kontinuirana saradnja s agencijama za nadzor osiguranja entiteta i Brčko Distrikta, rješavanje sporova između agencija za nadzor osiguranja u pogledu jedinstvenog tumačenja i primjene zakonodavstva o osiguranju na nivou entiteta i Brčko Distrikta i izdavanje pismenih odluka i mišljenja kojima se osigurava jedinstvena primjena zakonodavstva o osiguranju;
- osiguravanje i vođenje svih relevantnih podataka o cjelokupnom tržištu osiguranja u BiH;
- podnošenje nacrtu odnosno prijedloga zakona entitetskim ministarstvima finansijama za primjenu zakonodavstva EU ili smjernica za usklađivanje entitetskih zakonodavstava;
- podnošenje entitetskim ministarstvima finansija prijedloga za izmjene i dopune postojećih entitetskih zakonodavstava u oblasti osiguranja, uključujući prijedloge za druge vrste osiguranja;
- davanje saglasnosti za izmjene i dopune entitetskih zakonodavstava o osiguranju koje su predložene od jednog ili oba entiteta;
- međunarodni odnosi BiH u oblasti osiguranja;
- poslovi davanja svih podataka koje može zahtijevati EU u vezi sa praksom osiguranja u BiH u cilju procjenjivanja harmonizacije zakonodavstva BiH sa standardima EU;
- uređivanje pitanja koja se odnose na bilo kakvo osiguranje izvoznih kredita koje se nudi izvoznicima osnovanim u BiH;
- predstavljanje BiH u pogledu osnivanja podružnica ili supsidijarnih društava osiguravajućih društava ili posrednika osnovanih u bilo kojem entitetu ili Brčko Distriktu i u trećim zemljama, uz preporuku odgovarajuće entitetske agencije za nadzor osiguranja;
- koordinacija i saradnja između odgovarajuće entitetske agencije za nadzor osiguranja i odgovarajuće agencije za nadzor osiguranja u trećoj zemlji;
- zaključivanje ugovora o saradnji za razmjenu podataka s nadležnim organima drugih zemalja, uz saradnju s entitetskim agencijama za nadzor osiguranja;
- saradnja s entitetskom agencijom za nadzor osiguranja u svim slučajevima kada to zahtijeva agencija za nadzor osiguranja druge zemlje;
- ovjera potvrde o margini solventnosti izdatoj za upotrebu u trećoj zemlji, od bilo koje agencije za nadzor osiguranja, za bilo koje društvo za osiguranje osnovano u BiH koje namjerava osnovati podružnicu u trećoj zemlji;

- prosljeđivanje podataka entitetskim agencijama za nadzor osiguranja u pogledu međunarodne prakse osiguranja, međunarodne statistike osiguranja i drugih podataka dobijenih kroz učešće na međunarodnim forumima osiguranja, a koji mogu biti od pomoći agencijama za nadzor osiguranja u obavljanju njihovih funkcija;
- praćenje rada Biroa zelene karte u Bosni i Hercegovini u skladu sa zakonima i propisima koji se primjenjuju na aktivnosti Biroa zelene karte u Bosni i Hercegovini, a u vezi sa ispunjavanjem zahtjeva Vijeća Biroa;
- vođenje statistike u pogledu poslovanja tržišta osiguranja u BiH;
- podnošenje statističkih izvještaja, u ime BiH, Evropskoj komisiji ili bilo kojem drugom međunarodnom tijelu koje dostavi zahtjev za dobijanje dostupnih podataka.

Prema važećem Pravilniku o unutrašnjoj organizaciji Agencije za osiguranje u Bosni i Hercegovini (dalje u tekstu: Pravilnik) za obavljanje poslova iz nadležnosti Agencije utvrđeno je 11 izvršilaca, od čega:

- 1 rukovodeći državni službenik – direktor;
- 10 državnih službenika;
- 1 zaposlenik;

Prema navedenom Pravilniku u Agenciji postoje dvije organizacione jedinice i to:


- Odjeljenje za pravne i administrativno-tehničke poslove u kome pored šefa Odjeljenja koji treba da je diplomirani pravnik postoje još 3 pozicije državnih službenika (sa završenim pravnim fakultetom) i 1 pozicija zaposlenika, i
- Odjeljenje za međunarodnu saradnju, finansije, statistiku i aktuarstvo u kome pored šefa odjeljenja koji treba da je diplomirani ekonomista postoje još 4 pozicije državnih službenika (jedan državni službenik sa završenim ekonomskim ili pravnim fakultetom, dva državna službenika sa završenim ekonomskim fakultetom i jedan državni službenik sa završenim ekonomskim ili prirodno-matematičkim i informatičkim fakultetom).

Poslovi usklađivanja entitetskog zakonodavstva iz oblasti osiguranja, međusobno i sa relevantnim zakonodavstvom EU, su u nadležnosti Odjeljenje za pravne i administrativno-tehničke poslove, dok su poslovi dostavljanja podataka koje može zahtijevati Evropska unija u vezi sa zakonom i praksom u osiguranju u BiH i poslovi podnošenja statističkih izvještaja, u ime BiH, Evropskoj komisiji ili bilo kojem drugom međunarodnom tijelu u nadležnosti Odjeljenje za međunarodnu saradnju, finansije, statistiku i aktuarstvo.

S poštovanjem,

**U prilogu:**

- Predloženi budžet i godišnji finansijski izvještaj koji sadrži detalje o ostvarenim prihodima i rashodima Agencije za osiguranje u Bosni i Hercegovini.


  
**DIREKTOR**  
 Samir Omerhodžić, dipl. oec.

Dostavljeno:

- 1) Naslovu
- 2) a/a

Predloženi budžet i godišnji finansijski izvještaj Agencije za osiguranje u Bosni i Hercegovini za 2015. godinu

Red broj	Vrsta rashoda	Zahtjev za budžet za 2015.	Odobreni budžet po zakonu za 2015	Promjena strukture budžeta	Tekuća rezerva budžeta	Ostala usklađivanja	Konačni budžet za 2015. (4 do 7)	Izvršeni budžet za 2015.
1	2	3	4	5	6	7	8	9
<b>I</b>	<b>Tekući izdaci</b>	<b>505.000</b>	<b>523.000</b>	<b>0</b>	<b>12.000</b>	<b>0</b>	<b>527.880</b>	<b>507.417</b>
1.	Bruto plate i naknade	325.000	325.000				325.000	320.942
2.	Naknade troškova zaposlenih	32.000	32.000	-3.970			28.030	24.955
3.	Putni troškovi	17.000	17.000	-3.000			14.000	12.264
4.	Izdaci telefonskih i pošt. usluga	8.000	8.000	-2.000			6.000	5.620
5.	Izdaci za energiju i kom. usluge	11.000	11.000	-4.700			6.300	5.541
6.	Nabavka materijala	3.000	3.000	0			3.000	2.542
7.	Izdaci za usluge prevoza i goriva	5.000	5.000	500			5.500	5.497
8.	Troškovi zakupa	2.000	20.000		12.000		32.000	28.980
9.	Izdaci za tekuće održavanje	5.000	5.000	500			5.500	4.829
10.	Izdaci za osiguranje i tr.pl. prometa	3.000	3.000	-1.300			1.700	1.514
11.	Ugovorene i druge usluge	94.000	94.000	6.850			100.850	94.733
<b>II</b>	<b>Kapitalni izdaci</b>	<b>0</b>	<b>0</b>	<b>7.120</b>		<b>0</b>	<b>7.120</b>	<b>5.964</b>
1.	Nabavka zemljišta						0	
2.	Nabavka građevina						0	
3.	Nabavka opreme		0	7.120			7.120	5.964
4.	Nabavka ostalih stalnih sred.						0	
5.	Rekonstrukcija i inves.održavanje						0	
<b>III</b>	<b>Tekući grantovi</b>	<b>0</b>	<b>0</b>	<b>0</b>		<b>0</b>	<b>0</b>	<b>0</b>
1.							0	
2.							0	
<b>IV</b>	<b>Ukupno budžet (I+II+III)</b>	<b>505.000</b>	<b>523.000</b>	<b>7.120</b>		<b>0</b>	<b>535.000</b>	<b>513.381</b>
<b>V</b>	<b>Novčane donacije</b>	<b>0</b>	<b>0</b>	<b>0</b>		<b>0</b>	<b>0</b>	<b>0</b>
1.							0	
2.							0	
<b>VI</b>	<b>Ukupno (IV+V)</b>	<b>505.000</b>	<b>523.000</b>	<b>7.120</b>	<b>0</b>	<b>0</b>	<b>535.000</b>	<b>513.381</b>